

# INFO

Vijeće ministara Bosne i Hercegovine / Савјет министара Босне и Херцеговине



travanj – lipanj  
april - juni  
апрел – јуни  
2025.

## Utvrđen set zakona iz područja intelektualnog vlasništva

Vijeće ministara BiH utvrdilo je paket od šest prijedloga zakona iz oblasti intelektualnog i industrijskog vlasništva. Cilj je uskladivanje s pravnom stečevinom Europske unije (EU) i ispunjavanje obveza iz Sporazuma o stabilizaciji i pridruživanju te uvjeta za članstvo u Svjetskoj trgovinskoj organizaciji (WTO).

**Prijedlogom zakona o zaštiti poslovne tajne** ova oblast se prvi put u Bosni i Hercegovini uređuje na sveobuhvatan način. Zakon se uskladjuje s relevantnim propisima EU kako bi se osigurala ista razina zaštite kao u državama članicama, a također se osigurava puna usuglašenost sa Sporazumom o trgovinskim aspektima prava intelektualnog vlasništva, što je jedan od uvjeta za članstvo u WTO.

**Prijedlog zakona o zaštiti topografija poluvodičkih proizvoda** je uskladen s načelima koje primjenjuju države članice EU-a, čime se stvaraju pretpostavke za lakši ulazak inozemnog kapitala i integriranje u jedinstveni sustav intelektualnog vlasništva EU. Osiguravanjem više razine pravne sigurnosti ispunjavaju se i ključni preduvjeti u dalnjem procesu pridruživanja.

**Prijedlogom zakona o patentu** se vrši uskladivanje s pravnom stečevinom EU-a i ispunjavaju obveze iz Sporazuma o stabilizaciji i pridruživanju. Posebno je važno uvođenje konsenzualnog patent-a, koji je brži, jednostavniji i jeftiniji, što je značajno za mala i srednja poduzeća i fizičke osobe. Novi zakon također otvara put pristupanju Europskoj patentnoj konvenciji.

**Prijedlogom zakona o žigu** unapređuje se postojeća regulativa i uskladjuje s propisima EU-a, čime se poboljšava pravna sigurnost poduzeća. Uklanjuju se nedostaci dosadašnjeg zakona i uvodi mogućnost registracije novih vrsta žigova (zvučnog, multimedijalnog, žiga koji se sastoji od slika u pokretu) radi praćenja tehnološkog napretka.

**Prijedlogom zakona o zastupanju u području prava industrijskog vlasništva** prvi put se sveobuhvatno uređuje područje zastupanja pred Institutom za intelektualno vlasništvo BiH. Zakon sustavno propisuje uvjete za obavljanje poslova zastupanja te detaljno uređuje postupak upisa u Registar ovlaštenih zastupnika i osnivanje Komore zastupnika.


**Prijedlog zakona o izmjenama i dopunama Zakona o industrijskom dizajnu** uskladjuje se sa standardima EU-a i WTO-a. Ključna novina odnosi se na procesnopravni dio: odluke Instituta za intelektualno vlasništvo BiH postale bi konačne u prvom stupnju. Umjesto žalbe u upravnom postupku, stranke će moći neposredno pokrenuti upravni spor pred Sudom Bosne i Hercegovine, čime se procedura značajno ubrzava.

## Usvojena strategija protuminskog djelovanja BiH

Vijeće ministara BiH donijelo je Odluku o usvajanju revidirane Strategije protuminskog djelovanja Bosne i Hercegovine za razdoblje 2025. - 2027. godine.

Cilj revidiranog dokumenta jest da se na najučinkovitiji i najdjelotvorniji način sačini plan aktivnosti i definiraju koraci koji će biti poduzeti u okviru odobrenog roka za izvršenje obveza, kako bi se Bosna i Hercegovina približila cilju izvršenja obveza u pogledu izviđanja i čišćenja prema Konvenciji o zabrani uporabe, stvaranja zaliha, proizvodnje i transporta protupješadijskih mina i o njihovom uništenju. Prema izvršenim procjenama u siječnju 2024. godine sumnjava opasna površina na mine u Bosni i Hercegovini iznosi 838 km<sup>2</sup>, što predstavlja 1,63 % u odnosu na ukupnu površinu zemlje.


Bosna i Hercegovina se ranije obvezala da će uništiti ili osigurati uništavanje svih protupješadijskih mina u miniranim područjima do ožujka 2027. godine.



## Usvojena strategija za kontrolu oružja

Vijeće ministara BiH usvojilo je Strategiju za kontrolu malog oružja i lakog naoružanja (SALW) u Bosni i Hercegovini za razdoblje 2025. - 2030. godine i Akcijski plan za njezinu provedbu za razdoblje 2025. - 2027. godine.

Strategija se fokusira na četiri strateška cilja usmjereni na unapređenje i uskladivanje pravnog okvira u ovom području s legislativom EU i drugim međunarodnim obvezama, kao i smanjenje zlouporabe i unaprjeđenja sigurnog upravljanja SALW-om u posjedu Oružanih snaga BiH, uz jačanje regionalne i međunarodne suradnje u procesu jačanja kontrole u ovom području.



## Usvojen Nacrt reformske agende

Vijeće ministara BiH usvojilo je Nacrt liste reformi i nacrt Reformske agende, zajedno sa svim pristiglim komentarima članova Radnog tima.

Zadužena su nadležna ministarstva u Vijeću ministara BiH da, zajedno sa svim nadležnim ministarstvima drugih razina, nastave aktivnosti na usuglašavanju komentara u cilju finalizacije teksta Reformske agende, a sukladno ustavnim nadležnostima.



Odluku Vijeća ministara pozdravila je i povjerenica za proširenje EU Marta Kos, koja je putem društvene mreže X čestitala Bosni i Hercegovini. Posebno je zahvalila predsjedateljici Borjani Krišto na ulozi u omogućavanju ovog napretka. Naglasila je da je ovo sjajna vijest za građane BiH, koji će kroz Plan rasta za Zapadni Balkan dobiti bolje ceste, željezničke veze i digitalnu infrastrukturu.

## Izmjene i dopune Zakona o upravnom postupku

Vijeće ministara BiH utvrdilo je Prijedlog zakona o izmjenama i dopunama Zakona o upravnom postupku, koji je predložilo Ministarstvo pravde s ciljem osiguranja preduvjeta za nastavak digitalne transformacije javne uprave u institucijama Bosne i Hercegovine.

U skladu s preporukama Europske komisije, izmjenama i dopunama Zakona pojednostaviti će se i modernizirati upravni postupak te skratiti vrijeme za pružanje usluga građanima i poslovnim subjektima uvođenjem obveze tijelu uprave da po službenoj dužnosti pribavlja podatke o činjenicama o kojima se vodi službena evidencija, što je važan iskorak za proces reforme javne uprave.

Izmjene i dopune Zakona olakšavaju pokretanje upravnog postupka, uz primjenu načela „samojednom“, što predstavlja jednu od najvažnijih izmjena koje donosi ovaj zakon. Novine u ovom zakonu su jedinstveno upravno mjesto koje omogućava stranci da tijelu uprave po potrebi podnese više zahtjeva, uvodenje platforme za videokomunikaciju putem koje stranka može dati izjavu, a na taj način, uz prethodno osigurane tehničke uvjete, mogu se voditi i usmene rasprave.



## BiH pristupa Okvirnoj konvenciji VE o umjetnoj inteligenciji

Vijeće ministara BiH prihvatio je tekst Osnova za pristupanje Okvirnoj konvenciji Vijeća Evrope o umjetnoj inteligenciji i ljudskim pravima, vladavini prava i demokratiji i zadužilo ministra za ljudska prava i izbjeglice BiH da potpiše ovu konvenciju. Predmet i svrha Okvirne konvencije je osigurati da aktivnosti u okviru životnog ciklusa sistema umjetne inteligencije budu uskladene sa zagarantiranim ljudskim pravima, demokratijom i vladavinom prava.

## Reforma javne uprave u BiH

Vijeće ministara BiH usvojilo je polugodišnje Izvješće o napretku u provedbi Akcijskoga plana za reformu javne uprave Strateškog okvira za reformu javne uprave 2018. – 2027. za razdoblje siječanj - lipanj 2024. godine.

Prema Izvješću, provedeno je 17,47 % aktivnosti iz Akcijskog plana Strateškog okvira za reformu javne uprave u BiH, što je za 1,68 % više u odnosu na kraj 2023. godine. Promatraljući napredak po stubovima reforme u prvoj polovici 2024. godine, vidljivo je da područje upravljanja javnim financijama u kojoj je ispunjeno 100 % aktivnosti bilježi i dalje najbolji rezultat u odnosu na preostala reformska područja koja uključuju: izradu politika i koordinaciju, državnu službu i upravljanje ljudskim potencijalima, odgovornost, bolje pružanje usluga i kvalitetu te digitalizaciju u području pružanja usluga.



## Provđba Strategije komuniciranja o pristupanju EU-u

Na prijedlog Direkcije za europske integracije usvojen je Akcijski plan Vijeća ministara Bosne i Hercegovine za implementaciju Strategije komuniciranja institucija BiH o procesu pristupanja Bosne i Hercegovine EU-u – od kandidatskog statusa do članstva za 2025. godinu.

Ukupno 29 institucija na razini BiH uključeno je u provedbu šireg paketa komunikacijskih aktivnosti koje se izravno odnose na prioritete i obveze iz procesa europskih integracija. Za realizaciju Akcijskoga plana bit će utrošeno 1.371.665 KM, od čega je 725.855 KM osigurano u proračunima institucija koje provode aktivnosti, dok će 645.810 KM osigurati donatori.

## Rutne naknade

Vijeće ministara BiH donijelo je Odluku o utvrđivanju planskih iznosa prihoda po osnovi pružanja usluga u zračnoj plovidbi (rutne naknade) u zračnom prostoru Bosne i Hercegovine za 2025. godinu, u ukupnom iznosu 93.749.303 KM.

Agenciji za pružanje usluga u zračnoj plovidbi Bosne i Hercegovine (BHANSA) je namijenjeno 84.333.910 KM, uključujući i troškove EUROCONTROL-a u iznosu 3.641.169 KM, Direkciji za civilno zrakoplovstvo BiH (BHDCA) 2.918.407 KM te pružatelju usluga izvan Bosne i Hercegovine - Hrvatskoj kontroli zračne plovidbe (CCL) 6.496.986 KM.

## Potpore za pravednu tranziciju

Vijeće ministara BiH utvrdilo je Prijedlog sporazuma o zajmu (Projekt pravedne tranzicije u odabranim regijama bogatim ugljenom u Bosni i Hercegovini) između Bosne i Hercegovine i Međunarodne banke za obnovu i razvoj (IBRD).

Projekt, među ostalim, obuhvata prenamjenu bivših površina rudnika Banovići i Kreka, uz instalaciju određenih postrojenja za obnovljive izvore energije te podržava zatvaranje odabranih rudarskih jama u Zenici, uz podršku tranziciji radnika. Projekt će biti podržan zajmom IBRD-a u iznosu 79.900.000 eura i bit će alociran na Federaciju BiH, a krajnji korisnici su Federacija BiH, JP Elektroprivreda BiH i RMU Banovići. Rok otplate zajma je 32,5 godine, uključujući grejs period od sedam godina.



## Utvrđen korigirani Nacrt zakona o Proračunu

Vijeće ministara BiH, u cilju izvršenja arbitražne presude u predmetu Viaduct d.o.o Portorož i drugi protiv Bosne i Hercegovine, utvrdilo je korigirani Nacrt zakona o Proračunu institucija Bosne i Hercegovine i međunarodnih obveza Bosne i Hercegovine za 2025. godinu.

Vijeće ministara BiH pozvalo je Predsjedništvo BiH i Parlamentarnu skupštinu BiH da žurno usvoje nacrt zakona, s ciljem sprječavanja dalnjih štetnih posljedica po imovinske interese i ugled Bosne i Hercegovine. Ministarstvo financija i trezora će 110.169.862,95 KM, koje su planirane na Izravnim transferima s Jedinstvenog računa trezora - Isplata po pravomoćnim sudskim presudama, isplatiti u roku od 15 dana od dana stupanja na snagu Zakona o Proračunu institucija BiH i međunarodnih obveza Bosne i Hercegovine za 2025. godinu, a najkasnije u roku od sedam dana od uplate Centralne banke BiH. Okvir proračuna za financiranje institucija Bosne i



Hercegovine za 2025. godinu ostao je isti i iznosi 1.570.500.000 KM, kao u Nacrtu zakona o Proračunu institucija Bosne i Hercegovine i međunarodnih obveza Bosne i Hercegovine za 2025. godinu, koji je Vijeće ministara BiH utvrdilo na 72. sjednici početkom ožujka ove godine.

## Osiguran novac za poslovanje BHANSA-e

Vijeće ministara BiH donijelo je Odluku o financiranju troškova Agencije za pružanje usluga u zračnoj plovidbi Bosne i Hercegovine (BHANSA) na privremenoj osnovi do kraja trećeg kvartala 2025. godine, s ciljem omogućavanja njezinog neometanog rada i otklanjanja problema poslovanja.

Problemi u poslovanju izazvani su zamrzavanjem prihoda od preleta koje ova agencija prima od EUROCONTROL-a zbog postupka ovrhe koji je pokrenula kompanija Viaduct d.o.o. Portorož po arbitražnoj presudi ICSID Tribunal, nakon što je Vlada Republike Srbске izgubila spor s tužiteljem u ovom predmetu i nije izmirila preuzete obveze plaćanja duga. Sukladno ovoj odluci, Agenciji za pružanje usluga u zračnoj plovidbi BiH bit će osigurano do 60.108.155 KM, što odgovara maksimalnom iznosu rashoda BHANSA-e, planiranih Finansijskim planom za 2025. godinu, koji je usvojilo Vijeće ministara BiH. Ova sredstva smatrać će se pozajmicom i bit će vraćena na Jedinstveni račun trezora nakon što budu odblokirana sredstva EUROCONTROL-a za financiranje BHANSA-e.



AGENCIJA ZA PRUŽANJE USLUGA U ZRAČNOJ PLOVIDBI BOŠNJE I HERCEGOVINE  
АГЕНЦИЈА ЗА ПРУЖАЊЕ УСЛУГА У ВАЗДУШНОЈ ПЛОВИДБИ БОШНЕ И ХЕРЦЕГОВИНЕ  
BOSNIA AND HERZEGOVINA AIR NAVIGATION SERVICES AGENCY

## Usvojeno Izvješće o izvršenju Proračuna

Vijeće ministara BiH usvojilo je Izvješće o izvršenju Proračuna institucija Bosne i Hercegovine i međunarodnih obveza BiH za 2024. godinu.

Ukupno ostvareni prihodi, primici i financiranje institucija BiH u prošloj godini iznosili su 1.333.319.074 KM, od čega su 1.020.500.000 KM prihodi s Jedinstvenog računa Uprave za neizravno oporezivanje BiH. Ukupno ostvareni rashodi institucija BiH u 2024. godini iznosili su 1.320.004.460 KM. Po osnovi obveza vanjskog državnog duga u 2024. godini isplaćeno je milijardu i 332,89 miliona KM, čime su u potpunosti izvršene sve preuzete obveze. Izvješće će biti objavljeno na web-stranicama Ministarstva financija i trezora i Vijeća ministara BiH.

## Potpore projektu putne infrastrukture u Republici Srpskoj

Vijeće ministara BiH utvrdilo je Prijedlog sporazuma o grantu - Investicijski okvir za Zapadni Balkan (WBIF) - Program sigurnog i održivog prometa (SSTP) - (Projekt održive, integrirane i sigurne cestovne infrastrukture) između Bosne i Hercegovine i Međunarodne banke za obnovu i razvoj / Međunarodne asocijacije za razvoj u funkciji vodeće finansijske institucije za WBIF-SSTP, vrijedan 6,5 milijuna eura.

Ovim grantom se sufinancira Projekt održive, integrirane i sigurne cestovne infrastrukture u Republici Srpskoj, nakon što je Vijeće ministara BiH ranije podržalo predloženi sporazum o zajmu Međunarodne banke za obnovu i razvoj, vrijedan 81,7 milijuna eura. Grant je alociran na Republiku Srpsku – JP Putevi Republike Srpske.



### Grant za poddionicu autoceste Vc Tunel Kvanj – Buna

Vijeće ministara BiH utvrdilo je Prijedlog odluke o ratifikaciji Sporazuma o grantu između Bosne i Hercegovine i Europske investicijske banke "Mediterski koridor: Poddionica autoceste Vc Tunel Kvanj - Buna u Bosni i Hercegovini", Grant Europskog zajedničkog fonda za Zapadni Balkan /WB-IG04-BIH-TRA-05, broj ugovora (FI br.) 98144, operativni broj (Serapis br.) 2015-0773.

Sporazum o grantu ukupne vrijednosti 21.106.084 eura, potpisana 14. 3. 2025. godine u Sarajevu i 17. 3. 2025. godine u Luxembourgu, odnosi se na projekt izgradnje približno 5,16 kilometara poddionice autoceste na Koridoru Vc između Mostara/Juga i Počitelja, uključujući most i dugi tunel Kvanj – Buna te pristupnu cestu. Implementator projekta je JP Autoceste Federacije BiH d.o.o. Mostar.

## BiH u programu Interreg Europe

Vijeće ministara BiH utvrdilo je Prijedlog sporazuma o financiranju za program Interreg (Interreg VI-C) Interreg Europe za period 2021 - 2027. godina između Europske unije i Bosne i Hercegovine i Republike Francuske.

Cilj sporazuma je uvažavanje zajedničkih vrijednosti, kao što su poštivanje i zaštita ljudskih prava i osnovnih sloboda, demokratskih načela, vladavine prava i horizontalnih načela za provođenje programa kohezijske politike.

Ukupan budžet programa iznosi 493.103.338,00 eura, od čega je doprinos Europske unije 394.482.670,00 eura, dok 98.620.668,00 eura predstavlja sufinanciranje zemalja sudionica.



## Pristup visokom obrazovanju na ZB

Utvrđeni su pojedinačni prijedlozi odluka o ratifikaciji Sporazuma između Bosne i Hercegovine i Crne Gore o socijalnom osiguranju i pratećeg Administrativnog sporazuma za njegovo provođenje, te Sporazuma o pristupu visokom obrazovanju i prijemu na studije na Zapadnom Balkanu.

Ratifikacijom Sporazuma o pristupu visokom obrazovanju i prijemu na studije na Zapadnom Balkanu, koji je potpisala predsjedateljica Vijeća ministara BiH Borjana Krišto u Berlinu polovicom listopada 2024. godine, jača se regionalna suradnja i omogućava pravo na studiranje u svakoj od država potpisnica ovog sporazuma na Zapadnom Balkanu.

## Slobodna zona Gradiška

Vijeće ministara BiH donijelo je Odluku o određivanju dijela carinskog područja Bosne i Hercegovine kao „Slobodna zona Gradiška“, u skladu sa Zakonom o slobodnim zonama u BiH i Zakonom o carinskoj politici BiH, uz prateći elaborat o ekonomskoj opravdanosti osnivanja ove slobodne zone.

Slobodna zona se sastoji iz dva teritorijalno odvojena dijela i to „Gospodarske zone Nova Topola“ i „Poslovne zone Liman“, ukupne površine 313,48 hektara, a njen osnivač je Grad Gradiška.

## Pripreme za EXPO 2027

Vijeće ministara BiH prihvatiло je poziv za sudjelovanje Bosne i Hercegovine na Specijaliziranoj izložbi Expo 2027 – Beograd, Republika Srbija, koja će biti održana od 15. 5. do 15. 8. 2027. godine.

Na sjednici su dana zaduženja Ministarstvu vanjske trgovine i ekonomskih odnosa BiH za daljnje aktivnosti u pravcu predlaganja Vijeću ministara BiH odluke o osnivanju organizacijskog odbora BiH za pripremu sudjelovanja na ovoj specijaliziranoj izložbi, kao i predlaganja programa za sudjelovanje te potrebnih finansijskih sredstava i načina njihovog osiguranja, koje će Ministarstvo financija i trezora BiH planirati u proračunu institucija BiH za 2026. i 2027. godinu.

## Državljanstva u oblasti sporta

Vijeće ministara BiH donijelo je odluke o stjecanju državljanstva Bosne i Hercegovine u području sporta za državljanu Ruske Federacije Annu Alferovu, uz preporuku Biatlon saveza BiH, koji je osnovan ove godine, te za Theodora Krunicu, državljanina Republike Austrije, uz preporuku Biciklističkog saveza BiH.

## Međunarodni sajam gospodarstva

Na otvorenju 26. Međunarodnog sajma gospodarstva u Mostaru predsjedateljica Borjana Krišto pozvala je na predan rad i politički dijalog kao jedini put prema stabilnosti i europskoj budućnosti zemlje.

Istaknula je da je sajam ključna prilika za gospodarski napredak, gdje se "svaki potpisani ugovor i svaka nova ideja" pretvaraju u korak naprijed za BiH i cijelu regiju.

Predsjedateljica Krišto je poručila da se stabilnost i sigurnost ne postižu izjavama, već "konkretnim djelima". Naglasila je da je dijalog triju konstitutivnih naroda, unatoč različitim stajalištima, nužan za postizanje ravnopravnosti i ubrzanje puta prema Europskoj uniji.



## FEAL otvorio pogon u Karlovcu

U Karlovcu je svečano otvoren prvi proizvodni pogon bosanskohercegovačke tvrtke FEAL u Republici Hrvatskoj. Svečanosti je nazočila i predsjedateljica Borjana Krišto, koja je simboličnim rezanjem vrpce pustila pogon u rad.

U svom obraćanju, predsjedateljica Krišto istaknula je da je ovaj trenutak potvrda dugoročne vizije i predanosti tvrtke FEAL rastu i razvoju. Naglasila je kako otvaranje pogona ima višestruku važnost – ne samo za samu tvrtku, već i za lokalnu zajednicu, hrvatsko gospodarstvo te jačanje konkurentnosti Hrvatske na europskom i globalnom tržištu.



## Bruxelles: Potpisani Sporazum s Frontexom

Predsjedateljica Vijeća ministara BiH Borjana Krišto i povjerenik Europske komisije za unutarnje poslove i migracijska pitanja Magnus Brunner potpisali su u Bruxellesu Sporazum između EU-a i BiH o operativnim aktivnostima koje provodi Agencija za europsku graničnu i obalnu stražu (FRONTEX).

Potpisivanje ovog sporazuma predstavlja značajan korak naprijed na europskom putu Bosne i Hercegovine. Osim što doprinosi ispunjavanju jednog od ključnih uvjeta za članstvo u EU-u, on potvrđuje da je BiH pouzdan partner u zaštiti vanjskih granica Unije i u jačanju ukupne sigurnosne arhitekture Europske unije i kontinenta.

Na bilateralnom sastanku upriličenom nakon svečanosti potpisivanja predsjedateljica Krišto i povjerenik Brunner razgovarali su o aktualnim sigurnosnim izazovima u EU-u kao i pitanjima ilegalnih migracija, osobito na prostoru naše regije i jugoistočne Europe.



## Susret s povjerenicom za proširenje EU-a Martom Kos

Nakon svečanosti potpisivanja Sporazuma s Frontexom, predsjedateljica Krišto sastala se s povjerenicom za proširenje EU-a Martom Kos. Predsjedateljica Krišto istaknula je važnost nastavka snažne suradnje između institucija BiH i EU-a na ključnim reformama kako bi se ubrzao napredak zemlje. Naglasila je i potrebu za postizanjem konačnog rješenja u vezi s Planom rasta za Zapadni Balkan. Povjerenica Kos dala je punu potporu predsjedateljici Krišto da Vijeće ministara BiH nastavi predano raditi uz što skorije postizanje konsenzusa o svim pitanjima.

## Potpore Hrvatske europskom putu BiH

Uoči službenog otvorenja Međunarodnog sajma gospodarstva u Mostaru, predsjedateljica Borjana Krišto sastala se s predsjednikom Vlade Republike Hrvatske Andrejem Plenkovićem. Sastanku su nazočili i hrvatski ministar vanjskih i europskih poslova Gordan Grlić Radman te ministar gospodarstva i održivog razvoja Ante Šušnjar.

Na sastanku je potvrđena snažna potpora Hrvatske europskom putu Bosne i Hercegovine. Naglašeno je kako će članstvo u EU-u omogućiti unutarnju stabilizaciju BiH i ojačati njezinu ulogu kao faktora stabilnosti u regiji.



Predsjedateljica Krišto osvrnula se na aktualnu političku situaciju te je istaknula da je dijalog političkih predstavnika triju konstitutivnih naroda ključan za rješavanje svih otvorenih pitanja, usprkos postojećim izazovima.

## Austrija i Njemačka uz BiH na putu reformi

Predsjedateljica Borjana Krišto održala je u Sarajevu sastanak s ministricom za Europu i međunarodne poslove Republike Austrije Beatom Meinl Reisinger te ministricom za Europu Savezne Republike Njemačke Annom Luhrmann.

Tijekom susreta predsjedateljica Krišto je ministrici upoznala s radom Vijeća ministara Bosne i Hercegovine, ističući važnost jačanja institucionalnih okvira i učinkovitijeg procesa donošenja odluka.

## Susret Krišto - Costa: Europska budućnost BiH ostaje glavni cilj

Predsjedateljica Vijeća ministara BiH Borjana Krišto sastala se u Sarajevu s predsjednikom Europskog vijeća Antonijem Costom, istaknuvši da je njegov dolazak ključan za slanje jasne poruke o europskoj budućnosti zemlje.

„Ovaj susret je izuzetna prilika da s najvišim dužnosnicima EU-a otvorimo sva ključna pitanja za našu zemlju, posebno ona na našem europskom putu“, naglasila je predsjedateljica Krišto.

Tijekom sastanka je ukazala na političke izazove, naglasivši da su stabilnost i funkcionalnost institucija presudni za napredak prema Europskoj uniji.

„Kao predsjedateljica Vijeća ministara, uvijek ću pozivati na dijalog i zajedničko pronalaženje rješenja, ma koliko se to činilo teškim“, poručila je.

Sastanak je potvrdio trajnu posvećenost Bosne i Hercegovine europskoj budućnosti i spremnost za nastavak dijaloga s partnerima iz EU-a, s ciljem što bržeg napretka k punopravnom članstvu.



## Krišto i Kallas u Sarajevu: Domaći dijalog je ključ europskog puta

Predsjedateljica Vijeća ministara BiH Borjana Krišto sastala se u Sarajevu s visokom povjerenicom EU-a za vanjske poslove i sigurnosnu politiku Kajom Kallas.

Predsjedateljica Krišto izvijestila je visoku povjerenicu o aktualnoj situaciji u Bosni i Hercegovini. Naglasila je potrebu za stabilizacijom unutarnjih prilika kroz dijalog i dogovor predstavnika triju konstitutivnih naroda o ključnim pitanjima.

Istaknula je kako, unatoč izazovima, institucije BiH pokazuju sposobnost provođenja reformi i ostvarivanja napretka na svom europskom putu.

Sugovornice su se složile da Bosna i Hercegovina već pripada Europi i da je za daljnju stabilizaciju i napredak potrebno učiniti još svega nekoliko koraka.



## Susret s danskom ministricom: BiH mora ostati prioritet EU-a

Predsjedateljica Borjana Krišto sastala se u Sarajevu s ministricom europskih poslova Kraljevine Danske Marie Bjerre, koja je boravila u prvom službenom posjetu Bosni i Hercegovini.

Krišto je zahvalila ministrici na posjetu, istaknuvši njenu posebnu važnost s obzirom na to da Danska od 1. srpnja predsjeda Vijećem Europske unije.

Glavne teme razgovora bile su europski put BiH, predstojeće aktivnosti i nužnost da naša zemlja ostane visoki prioritet EU-a.

Zajednički je naglašena važnost kontinuiranog dijaloga, poštivanja ustavnog poretku i konstruktivne suradnje svih političkih aktera. Istaknuta je i ključna uloga stalne komunikacije s institucijama EU-a i podrške država članica, pri čemu je Danska potvrđena kao važan partner Bosni i Hercegovini.



## Sastanak s ministrom Hasanijem

Predsjedateljica Borjana Krišto sastala se u Sarajevu s ministrom europskih i vanjskih poslova Albanije Iglijem Hasanijem. Krišto je istaknula važnost daljnog jačanja bilateralnih odnosa dviju zemalja.

Također je ponovila nedvosmislenu opredijeljenost BiH za članstvo u EU-u, naglasivši da taj cilj ostaje ključni vanjskopolitički priorititet.

## Krišto nazočila ustoličenju pape Lava XIV.

Predsjedateljica Borjana Krišto nazočila je misnom slavlju i inauguraciji pape Lava XIV. na Trgu svetog Petra u Vatikanu.

„U vremenu izazova, Papine poruke mira, ljubavi i međusobnog uvažavanja snažno su odjeknule među vjernicima i svjetskim čelnicima“, poručila je predsjedateljica Krišto.

Nakon svečanosti predsjedateljica Krišto susrela se s poglavicom Rimokatoličke Crkve, papom Lavom XIV.



## Krišto i Primorac u Mostaru

Vlada Republike Hrvatske nastaviti će pružati snažnu političku i institucionalnu potporu Bosni i Hercegovini, kako na njenom europskom putu, tako i u ključnim strateškim projektima. To je poruka sa sastanka predsjedateljice Borjane Krišto i hrvatskog ministra finansija Marka Primorca, održanog u Mostaru.

Sugovornici su zajednički ocijenili da je nužno nastaviti reformske procese te su razgovarali o budućim planovima i suradnji Vijeća ministara i Vlade Hrvatske.

## Учешће на "Експо 2027"

Министар Сташа Кошарац учествовао је у Београду на састанку посвећеном планирању међународног учешћа на специјализованој изложби "Експо 2027".



Министар Кошарац је истакао да је овај састанак био прилика да се делегације детаљно упознају са темом и концептом изложбе, мастер-планом, фазама изградње, логистиком и операцијама, као и дигиталним платформама за учеснике.

"Поносни смо што ће Србија од 15. маја до 15. августа 2027. године бити светска пријестоница образовања, културе и иновација. То је прилика коју не треба да пропустимо за промоцију и афирмацију привредних капацитета Републике Српске и Федерације БиХ. Ово је развојна шанса, не само Београда и Србије, него и цијелог западног Балкана, будући да се 'Експо 2027' први пут организује у нашој регији", рекао је министар Кошарац.

## Сусрет Кошарац – Бунфорд

Министар Сташа Кошарац разговарао је у Сарајеву са посебним изаслаником премијера Мађарске за Западни Балкан Жолтом Бунфордом (Zsolt Bunford) о актуелним политичким и економским темама, а састанку је присуствовао и амбасадор Мађарске у БиХ Кристијан Поша.

На састанку је констатовано да добри политички односи представљају позитиван оквир за даљње унапређење и јачање економске сарадње Републике Српске и Федерације БиХ са Мађарском, првенствено у секторима пољопривреде, енергетике и туризма.

## Одобрен извоз у Русију

Руска Федерација одобрила је увоз меса свиња и говеда, млијека, прерађевина од млијека, меса перади, те прерађевина од меса перади и прерађевина од рибе из БиХ.

Замјеник предсједавајуће Савјета министара БиХ и министар спољне трговине и економских односа БиХ Сташа Кошарац истакао је да је ово одлична вијест за домаће производи, те напоменуо да је извоз одобрен за шест компанија из Републике Српске и Федерације БиХ.

"Истовремено, ми смо одобрили три објекта за увоз меса свиња и говеда из Руске Федерације. Након што нам је у априлу одобрен извоз воћа и поврћа на руско тржиште, ово је додатни корак ка унапређењу сарадње и јасан пријатељски сигнал Руске Федерације", рекао је министар Кошарац.

## Међународни економски форум

Министар спољне трговине и економских односа БиХ Сташа Кошарац учествовао је на Међународном економском форуму у Санкт Петербургу од 4. до 8. јуна 2025. године, на позив организатора и савјетника предсједника Руске Федерације Антона Кобјакова.

Тема овогодишњег форума била је „Заједничке вриједности – темељ раста у мултиполарном свијету“.

Кошарац је истакао да му је част што је присуствовао једном од највећих светских економских форума у пријатељској Руској Федерацији, те нагласио да је то била прилика за јачање контаката како са Руском Федерацијом, тако и са другим пријатељским земљама.



## Кошарац на Међународном сајму у Кини

Министар Сташа Кошарац учествовао је на Међународном сајму Експо Кине и земаља централне и источне Европе, који је одржан у кинеском граду Нингбо.

Министар Кошарац је истакао да се ове године обиљежава три деценије од успостављања дипломатских односа БиХ и Кине, током



којих се његују пријатељске везе и на најбољи могући начин се развијају билатерални односи у свим областима.

Министар Кошарац напоменуо је да је императив повећање извоза на кинеско тржиште и унапређење спољнотрговинских односа.

## Унапређење сарадње БиХ и Србије

Министар Сташа Кошарац разговарао је у Нингбору са министарком унутрашње и спољне трговине Србије Јагодом Лазаревић о унапређењу спољнотрговинске размјене, формирању интегрисаних граничних прелаза, те означају промоције и афирмације привредних потенцијала на домаћим и иностраним сајмовима.

Саговорници су указали на важност организовања међународне изложбе "Експо 2027" у Београду.

Састанак је одржан на маргинама Међународног сајма Експо Кине и земаља централне и источне Европе. Министар Кошарац захвалио је Србији за политичку, економску и сваку другу помоћ и подршку.

## Ministar Helez na konsultacijama u Pentagonu

Najviša delegacija Ministarstva odbrane i Oružanih snaga BiH boravila je u službenoj posjeti Sjedinjenim Američkim Državama, u okviru realizacije aktivnosti Bilateralnih odbrambenih konsultacija Ministarstva odbrane Sjedinjenih Američkih Država i Ministarstva odbrane Bosne i Hercegovine.

U sklopu te aktivnosti, upriličena je posjeta Nacionalnoj gardi savezne američke države Maryland, koja više od 15 godina sarađuje s Oružanim snagama BiH na razvoju sposobnosti i interoperabilnosti s NATO savezom. U delegaciji MOBiH, uz zamjenika predsjedavajuće Vijeća ministara BiH i ministra odbrane BiH Zukana Heleza i njegovih zamjenika Slavena Galića i Aleksandara Goganićem, u bilateralnim razgovorima u Pentagonu učestvovali su i načelnik Zajedničkog štaba OS BiH general-pukovnik Gojko Knežević, pomoćnik ministra odbrane



BiH za međunarodnu saradnju Zoran Šajinović, kao i generalni inspektor MOBiH brigadni general Edin Fako.

Tokom susreta razgovarano je o dosadašnjoj i budućoj saradnji, uključujući obuku, kapacitete za odgovor na krizne situacije te jačanje interoperabilnosti između Oružanih snaga BiH i Oružanih snaga SAD-a.

## Posjeta slovačke delegacije

Ministar Zukana Heleza, zajedno sa zamjenikom Aleksandrom Goganićem, primio je u posjetu visoku delegaciju Slovačke Republike, na čelu sa prvim zamjenikom ministra odbrane Slovačke Republike Igorom Melicherom.

Ministar Helez je potvrdio snažnu posvećenost Bosne i Hercegovine euroatlantskim integracijama, naglašavajući važnost daljnje produbljivanja bilateralne saradnje sa Slovačkom Republikom.

Naglasio je da Slovačka, kao članica NATO-a, daje značajan doprinos stabilnosti u BiH, kroz angažman u misiji EUFOR ALTHEA.

Također je istaknuto da je bilateralni plan saradnje za 2025. godinu u fazi finalizacije, a odbrambena saradnja dviju zemalja ocijenjena je kao izuzetno dobra.



## Jačanje saradnje s Republikom Turskom

Ministar Zukana Heleza boravio je u Antaliji gdje je, na 4. diplomatskom forumu, održao bilateralni sastanak s ministrom odbrane Republike Turske Yaşarom Gülerom.

Helez je iskoristio priliku da izradi zahvalnost ministru Güleru, te da zamoli da se posebna zahvalnost prenese predsjedniku Republike Turske Recepu Tayyipu Erdoganu za nedavnu potvrdu i pismo kojim je odobrena donacija dva drona TB2 Bayraktar.

Helez je također naglasio da je potpisana ugovor o donaciji četiri najsavremenija oklopna vozila KIRPI II, kao dio planirane nabavke od ukupno 32 vozila. Uz navedeno, osigurana je i donacija antidron sistema Kangal, kao odgovor na sve prisutniju prijetnju osmatranja vojnih lokacija, što je ozbiljno shvaćeno u prošloj godini. Značajan iskorak predstavlja i donacija helikoptera UH-1H za potrebe Zračnih snaga OSBiH, čija se isporuka očekuje na jesen 2025. godine.



## Nova vozila za vojnu policiju OSBiH

U kasarni OSBiH „Rajlovac“ 10. juna svečano je obavljena službena primopredaja specijalizovanih terenskih vozila doniranih za potrebe Vojne policije OSBiH. Donaciju je omogućila Vlada Republike Slovenije u okviru NATO Inicijative za jačanje odbrambenih kapaciteta BiH (DCBI).

Tim povodom, službena posjeta slovenačkog ministra odbrane Boruta Sajovica Sarajevu, otpočela je sastankom u sjedištu MOBiH, gdje su mu glavni domaćini bili ministar Zukana Heleza i zamjenik ministra odbrane BiH za upravljanje resursima Aleksandar Goganić. Na samom početku sastanka, pomoćnik ministra odbrane BiH za međunarodnu saradnju Zoran Šajinović i slovenački vojni ataše u BiH brigadir Tadej Burgar potpisali su Plan bilateralne saradnje MOBiH i MO R. Slovenije za ovu godinu.

## Susret Helez - Hasani

Ministar Zukana Heleza bio je domaćin svečanog ručka priređenog u čast ministra za evropske i vanjske poslove Republike Albanije, Iglija Hasanića, koji je boravio u zvaničnoj posjeti BiH.

Svečanom ručku, pored ministra Heleza, prisustvovali su i pomoćnik ministra odbrane BiH za međunarodnu saradnju Zoran Šajinović te otpravnik poslova Ambasade Republike Albanije u BiH Anita Shaqiri. Nakon ručka, upriličena je ceremonija svečanog otvaranja Ambasade Republike Albanije u Sarajevu.



## Mostar 2025: Dijalog za budućnost

Povodom obilježavanja 20. godišnjice upisa područja Starog mosta Starog grada Mostara na Listu svjetske baštine UNESCO-a, Ministarstvo vanjskih poslova BiH organiziralo je s partnerima, II Međunarodnu konferenciju „MOSTAR 2025: Dijalog za budućnost“.

Tema ovogodišnje Konferencije, „Zajednička baština kao alat diplomatičke politike“, imala je za cilj promovisanje dijaloga o izgradnji mira, očuvanju kulture i međunarodnoj saradnji te odavanje priznanja mostarskom putu pomirenja i njegovoj globalnoj simbolici kao mostu između kultura, religija i naroda.



## Konaković na zasjedanju OIC-a

Ministar Elmedin Konaković obratio se u Istanbulu na 51. zasjedanju Vijeća ministara vanjskih poslova država članica Organizacije islamske saradnje (OIC), održanom pod temom „OIC u svijetu koji se transformiše“.

Tom prilikom ministar je izrazio zabrinutost zbog eskalacije nasilja na Bliskom istoku.

Na zasjedanju je usvojena i Rezolucija o Bosni i Hercegovini kojom je izražena podrška suverenitetu, teritorijalnom integritetu i međunarodnopravnom subjektivitetu BiH.



## Zasjedanje PS NATO-a u Daytonu

Ministar vanjskih poslova Bosne i Hercegovine Elmedin Konaković obratio se na proljetnom zasjedanju Parlamentarne skupštine NATO-a, koje je povodom 30. godišnjice Daytonskog mirovnog sporazuma održano u Daytonu, Ohio.

Tom prilikom ministar je naglasio važnost obilježavanja 30 godina od potpisivanja Daytonskog mirovnog sporazuma, te poručio da narod Bosne i Hercegovine nikada neće zaboraviti ulogu koju je američka diplomacija odigrala, ne samo u okončanju rata, već i u tome što nam je dala priliku da se ponovno uspravimo i obnovimo.

Na marginama zasjedanja, ministar Konaković je održao niz sastanaka, a učestvovao je i na forumu posvećenom 30. godišnjici Daytonskog mirovnog sporazuma.



## Diplomatski forum u Antaliji

Ministar Elmedin Konaković učestvovao je na Četvrtom diplomatskom forumu u Antaliji (ADF), koji je održan pod sloganom "Povratak diplomatičke u podijeljenom svijetu".

Na marginama ADF-a ministar Konaković je održao niz bilateralnih sastanaka, a učestvovao je i na ministarskom sastanku Turska – BiH – Hrvatska.



## Sastanak Konaković - Lammy

Ministar Elmedin Konaković razgovarao je s državnim sekretarom za vanjske poslove, poslove Commonwealtha i razvoj Ujedinjenog Kraljevstva Velike Britanije i Sjeverne Irske Davidom Lammyjem o bilateralnim odnosima dvije zemlje, aktuelnoj političkoj situaciji u BiH, evropskim i evroatlantskim integracijama naše zemlje te regionalnoj saradnji.

Ministar Konaković je istaknuo da je od ključne važnosti nepokolebljiva predanost Ujedinjenog Kraljevstva stabilnosti i sigurnosti BiH.

## Ministarski sastanak Komiteta ministara VE

Ministar Elmedin Konaković učestvovao je na 134. ministarskom sastanku Komiteta ministara Vijeća Evrope u Luksemburgu.

U svom obraćanju ministar Konaković je naglasio da Vijeće Evrope ostaje temelj demokratije, ljudskih prava i vladavine prava na našem kontinentu.



## BiH dobija digitalni signal

Ministar komunikacija i prometa BiH Edin Forto održao je koordinacijski sastanak s direktorima javnih Radio-televizijskih servisa i kompanije Odašiljači i veze Zagreb na kojem je razgovarano o dalnjim aktivnostima na realizaciji projekta digitalizacije televizijskog signala u Bosni i Hercegovini.

„Od 1. jula ćemo u Sarajevu, Mostaru i Banjoj Luci pustiti DVB-T2 digitalni signal, a zatim i u drugim urbanim područjima poput Tuzle i Zenice. Projekt će biti završen do decembra, uz produženje roka za šest mjeseci. Nakon dodjele ugovora, zbog američkih sankcija jednoj firmi u konzorciju morali smo provesti određene pravne radnje, što je usporilo radove, posebno tokom zime. Sankcije su prevaziđene uklanjanjem te firme iz konzorcija, nakon čega smo nastavili s izradom projekta“, rekao je ministar Forto.



## BiH na sajmu GITEX Europe 2025

Ministar Edin Forto predstavio je 22. maja tehnološki sektor BiH na prvom zvaničnom paviljonu naše zemlje na prestižnom sajmu GITEX Europe 2025, koji je održan u Berlinu.

Ovo je prvi put da Bosna i Hercegovina organizirano nastupa na najvećem evropskom sajmu tehnologije i inovacija, koji okuplja više od 60.000 stručnjaka i 2.500 izlagača iz cijelog svijeta. Jedan od najavljenih iskoraka je uvođenje digitalnog novčanika tokom 2026. godine, koji će građanima BiH omogućiti korištenje elektronskih verzija ključnih dokumenata, uključujući e-pasoš, e-ličnu kartu i e-vozačku dozvolu, putem mobilne aplikacije. Ministar Forto je naglasio da BiH aktivno sustiže evropske digitalne standarde i koristi digitalizaciju kao alat za jačanje institucija, transparentnosti i konkurentnosti.

## Starlink dolazi u BiH

Starlink je spreman za ulazak na tržište Bosne i Hercegovine kao provajder satelitskog interneta, potvrđeno je na sastanku ministra Edina Forte s Rebeccom Hunter, direktoricom Starlinka za ulazak na nova tržišta, i Prakulom Kapoorom, menadžerom ove kompanije.

Na sastanku je istaknut obostrani interes za što skorije pružanje Starlink usluga, odnosno njihovog satelitskog interneta u Bosni i Hercegovini. Također, nakon ispunjavanja zakonskih uslova za pružanje usluga u našoj zemlji, izražena je spremnost za saradnju u oblastima e-uprave, unapređenja zdravstvenih usluga, kao i razvoja sistema brzog odgovora u slučaju elementarnih nepogoda.



## Potpisan Memorandum u oblasti digitalne transformacije

U okviru Sarajevo Business Forum, ministar Edin Forto i ministrica za digitalnu transformaciju Republike Slovenije Ksenija Klampfer potpisali su Memorandum o razumijevanju i saradnji u oblasti digitalne transformacije između Ministarstva komunikacija i prometa BiH i Ministarstva digitalne transformacije Republike Slovenije.

„Ovo partnerstvo predstavlja važan korak za Bosnu i Hercegovinu na putu digitalne transformacije i modernizacije javnih usluga. Saradnja sa Slovenijom, koja je prepoznata po naprednim digitalnim rješenjima, omogućit će nam da brže uvedemo standarde i tehnologije koje će poboljšati kvalitet života naših građana i efikasnost javne uprave,“ izjavio je ministar Forto.

## Susret Forto - Braathu

Ministar Edin Forto sastao se sa Janom Braathuom, predstavnikom OSCE-a za slobodu medija, a glavne teme razgovora bile su finansijska održivost Javnog RTV servisa BiH (BHRT) te potreba za reguliranjem vlasništva nad elektronskim medijima s ciljem postizanja veće transparentnosti.

Ministar Forto je naglasio da je transparentnost u vlasništvu medija temelj povjerenja javnosti i slobodnog informiranja te da je od suštinskog značaja da građani imaju jasan uvid u to ko posjeduje i uređuje medijske sadržaje. Predstavnik OSCE-a Braathu istakao je da je sloboda izražavanja osnovno demokratsko pravo, ali i da mora biti odgovorna, dodajući da su profesionalni i nezavisni mediji ključni za očuvanje demokratskog poretku.



## Aerodromi preuzele KDZ preglede

Cetiri međunarodna aerodroma u Bosni i Hercegovini – Sarajevo, Mostar, Tuzla i Banja Luka – od 19. maja su u potpunosti preuzele poslove provođenja kontradiverzionalnih pregleda (KDŽ) od Granične policije BiH čime je ispunjena jedna od ključnih obaveza iz Programa sigurnosti civilnog zrakoplovstva Bosne i Hercegovine.

Prebacivanje KDŽ pregleda na aerodromsko osoblje rasterećeće Graničnu policiju BiH, koja već duže vrijeme radi u otežanim okolnostima zbog hroničnog nedostatka ljudskih resursa. Trenutno ovoj agenciji nedostaje više od 700 policijskih službenika.



## Анализа јавног дуга

Савјет министара БиХ усвојио је Анализу одрживости јавног дуга Босне и Херцеговине за период 2024. - 2027. године, коју је припремило Министарство финансија и трезора БиХ на основу методологије Међународног монетарног фонда.

Анализа даје оцјену тренутног стања јавне задужености БиХ, с пројектеном њеног кретања у средњорочном периоду, уз дефинисање основних ризика који могу утицати на одрживост јавног дуга.

Резултати анализа указују да је Босна и Херцеговина земља са средњорочно одрживим јавним дугом за период 2024 – 2027, с пројектованим реалним растом од 2,4 до 3,3 % и инфлацијом од 1,9 % до 2,6 %. Индикатори оптерећености дугом према основном сценарију и стрес тестовима крећу се у границама дефинисаних показатеља и не представљају ризик по одрживост дуга.

## Расте број извјештаја ревизије

На приједлог Министарства финансија и трезора БиХ, Савјет министара усвојио је Годишњи консолидовани извјештај унутрашње ревизије за 2024. годину, који показује раст броја ревизијских извјештаја у институцијама БиХ у односу на ранији период.

У Извјештају, који је припремила Централна хармонизациона јединица, наводи се да је у прошлој години 19 од укупно 20 јединица унутрашње ревизије сачинило 142 ревизорска извјештаја, од којих је 75 редовних ревизија, двије ад хок и 65 накнадних ревизија, у односу на њих 127 у 2023. години, што је повећање броја ревизија за 12 %.

Повећање броја обављених ревизија праћено је растом препорука, што доприноси унапређењу планирања и организације рада те већој ефикасности у пословању институција БиХ.

## Уговори са ЕБРД-ом за енергетску ефикасност и водоснабдијевање у БиХ

Министар финансија и трезора БиХ Срђан Амицић и директорица ЕБРД-овог Тима за инфраструктуру за Европу Елена Гордеева потписали су три значајна уговора укупне вриједности 13,8 милиона евра. Потписивању је присуствовао и шеф Делегације Европске уније и специјални представник ЕУ у БиХ амбасадор Луији Сорека.

Уговором о зајму којим је обезбиђено осам милиона евра од ЕБРД-а и Уговором о гранту из Европског заједничког фонда за Западни Балкан у износу од два милиона евра финансираће се Пројекат енергетске ефикасности јавних зграда у Тузланском кантону. Циљ пројекта је унапређење енергетске ефикасности у 173 јавне зграде кроз модернизацију система гријања, чиме ће се постићи значајне уштеде у потрошњи примарне енергије. Планирано је да реализација пројекта буде завршена до краја 2028. године.

Трећим уговором у виду гранта, у износу од 3,82 милиона евра, обезбиђена су средства из Европског заједничког фонда за Западни Балкан, а планирана су за суфинансирање Пројекта Водовод Сарајево. За овај пројекат претходно је закључен споразум о зајму са ЕБРД-ом у вриједности од 25 милиона евра. Грант средства намијењена су за реконструкцију приоритетних компоненти система водоснабдијевања у Кантону Сарајево, с циљем побољшања ефикасности система и смањења губитака воде. Завршетак пројекта планиран је до априла 2027. године.

Министар Амицић је истакао да потписани уговори представљају наставак успјешног сарадње са Европским банком за обнову и развој Европском унијом, те важан корак ка реализацији приоритетних инфраструктурних пројеката. Њихова реализација омогућиће конкретне инвестиције које ће допринијети модернизацији јавне инфраструктуре, повећању енергетске ефикасности, побољшању квалитета јавних услуга и унапређењу животног стандарда грађана, у складу са развојним приоритетима и стратешким интересима земље.

„Унапређење енергетске ефикасности и водоснабдијевања су један од наших кључних приоритета у БиХ“, нагласила је Гордеева.

Амбасадор Сорека је поручио да унапређење енергетске ефикасности и обезбиђивање чисте воде доприноси здравијем и одрживијем животу заједнице.

## Јачање сарадње БиХ и Кине

Министар Срђан Амицић примио је у наступну посјету амбасадорку Народне Републике Кине у БиХ Ли Фан.

Амбасадорка Фан је подсјетила да се ове године обиљежава 30. годишњица успостављања дипломатских односа БиХ и Кине, истичући да овај јубилеј представља важну прилику за даљње јачање пријатељских веза и унапређење билateralне сарадње.

Министар Амицић је нагласио значај партнерских односа са Кином, посебно у контексту досадашњих инвестиција и учешћа кинеских компанија у реализацији кључних инфраструктурних пројеката у БиХ.

„Кина је примјер успјешне модерне тржишне економије и важно је наставити активности усмерене на стварање стабилног и конкурентног пословног амбијента за стране директне инвестиције.

Министарство финансија и трезора БиХ остаје посвећено јачању институционалних капацитета, како би се осигурала ефикаснија реализација стратешких развојних пројеката у будућности“, рекао је министар Амицић.



## Obilježen Međunarodni dan Roma

Povodom obilježavanja Međunarodnog dana Roma, Odbor za Rome pri Vijeću ministara Bosne i Hercegovine u saradnji s Ministarstvom za ljudska prava i izbjeglice Bosne i Hercegovine i OSCE Misijom u BiH, organizirao je svečani događaj u Bijeloj sali Zgrade Parlamentarne skupštine Bosne i Hercegovine.

Cilj ovog događaja bio je osnaživanje položaja Roma u Bosni i Hercegovini, s posebnim naglaskom na mlade Romkinje i Rome. Okupljeni su imali priliku sudjelovati u otvorenoj diskusiji o ključnim pitanjima u vezi s pravima i inkluzijom romske zajednice, kao i čuti govore predstavnika institucija i međunarodnih partnera koji se bave pitanjima socijalne inkluzije i zaštite ljudskih prava.

Događaju su prisustvovali predstavnici institucija, međunarodnih organizacija, nevladinog sektora, kao i brojni predstavnici romske zajednice.



## DZ Konjic donirana medicinska oprema

Ministar za ljudska prava i izbjeglice Bosne i Hercegovine Sevlid Hurtić boravio je u Konjicu povodom provođenja projekta „Prevencija nezaraznih bolesti kod romske populacije u Gradu Konjic“ u okviru kojeg je Domu zdravlja Konjic donirana značajna medicinska oprema.

Projekt, čija ukupna vrijednost iznosi 122.300 KM, realizuje se uz podršku Ministarstva za ljudska prava i izbjeglice BiH u iznosu od 68.300 KM kroz grant sredstva i Grada Konjic koji učestvuje sa 54.000 KM iz vlastitih sredstava. Kroz ovaj projekt nabavljena je vrijedna medicinska i razvojna oprema koja će služiti u unapređenju zdravstvene zaštite i ranog razvoja djece, s posebnim fokusom na zdravlje romske populacije.



## Konferencija o sigurnosti medija u BiH

Ministarstvo za ljudska prava i izbjeglice BiH uz podršku Vijeća Evrope organiziralo je na Igmanu dvodnevnu konferenciju o sigurnosti i položaju novinarki/novinara i medija u Bosni i Hercegovini.

„Slobodni, sigurni i odgovorni mediji temelj su svakog demokratskog društva. Nažalost, svjedoci smo da su novinari i novinarke u Bosni i Hercegovini često izloženi pritiscima, prijetnjama, pa i fizičkim napadima. Ova konferencija predstavlja važan korak ka jačanju svijesti i iznalaženju konkretnih rješenja za poboljšanje njihovog položaja i zaštite“, istaknuo je ministar Sevlid Hurtić.

## Pomoć Države Katar za obnovu džamija

Nakon što je ministar Sevlid Hurtić održao niz sastanaka s resornim ministrima Države Katar krajem 2024. godine u Dohi, na kojima je fokus bio realizacija tri značajna projekta - izgradnja i opremanje predškolske ustanove „Park prijateljstva“ za povratnike u Republici Srpskoj, informatizacija škola kroz projekt „Digitalno učenje“, te utopljavanje 10 povratničkih džamija – Država Katar odobrila je sredstva u iznosu od 600.000 KM pomoći.

Sredstva će biti namijenjena za utopljavanje 10 povratničkih džamija, dok su projekti izgradnje i opremanja predškolske ustanove „Park prijateljstva“ i informatizacije škola „Digitalno učenje“ u fazi pripreme za brzu realizaciju.

## Dodijeljena nagrada „Denis Mrnjavac“

U organizaciji Ministarstva za ljudska prava i izbjeglice BiH, upriličena je svečana dodjela godišnje nagrade „Denis Mrnjavac“ za promociju tolerancije i nenasilja za 2024. godinu.

Na prijedlog Ministarstva, Vijeće ministara BiH je donijelo Odluku o dodjeli ove značajne nagrade, koja nosi ime tragično stradalog Denisa Mrnjavca, a koja se dodjeljuje učenicima i obrazovnim ustanovama koje svojim djelovanjem doprinose razvoju kulture mira, razumijevanja i nenasilja. Ovogodišnji dobitnici nagrade su učenici Dani Husić, Centar za slijepu i slabovidnu djecu i omladinu Sarajevo, i Jelena Tošić, Poljoprivredna i medicinska škola Brčko distrikt BiH.

## Otvoren put u naselju Ponjir

Ministar Sevlid Hurtić prisustvovao je svečanom otvorenju rekonstruisane saobraćajnice u naselju Ponjir, u općini Ključ. Vrijednost projekta rekonstrukcije puta u dužini od 250 metara iznosila je 40.000 KM.

Direktni korisnici ovog projekta su 18 romskih porodica, što predstavlja važan korak ka poboljšanju uslova života za pripadnike romske zajednice.



## Ekonomski forum BiH

Ministar Davor Bunoza je na ovogodišnjem 10. Ekonomskom forumu pod nazivom „Održivi razvoj i digitalna transformacija“ sudjelovao kao jedan od panelista.

U prvom dijelu panela, koji je bio posvećen povezivanju ciljeva održivog razvoja i digitalne transformacije, ministar Bunoza je govorio o važnosti digitalizacije pravosudnog sustava i javne uprave. Istaknuo je kako digitalna rješenja ne smiju biti sama sebi svrha, već alat za stvaranje učinkovitijeg, dostupnijeg i transparentnijeg pravosuđa i uprave koje služi svima u BiH.



## Susret Bunoza – Patten

Ministar pravde Davor Bunoza je primio u posjet specijalnu predstavnici glavnog tajnika UN-a za prevenciju seksualnog nasilja u sukobima Pramilu Patten.

Ministar Bunoza istaknuo je kako Ministarstvo pravde BiH ostaje posvećeno unapređenju pravnog okvira, osnaživanju tužiteljskih i sudske kapaciteta te osiguravanju dostojanstva i sigurnosti za sve one koji su pretrpjeli ovu vrstu zločina.

Patten je, s druge strane, izrazila duboko poštivanje prema snazi i ustrajnosti preživjelih te naglasila važnost njihove potpune integracije u društvo. Potvrdila je i spremnost UN-a da i dalje pruža podršku Bosni i Hercegovini u ovom osjetljivom, ali ključnom području.



## Sastanak sa španjolskim izaslanstvom

Predstavnici Ministarstva pravde BiH, na čelu sa ministrom Davorom Bunozom, održali su bilateralni sastanak sa španjolskim izaslanstvom, koje je predvodio ministar predsjedništva, pravde i odnosa s Parlamentom Kraljevine Španjolske Félix Bolaños Garcia.

Sastanak predstavnika dviju zemalja je, osim razgovora o europskom putu Bosne i Hercegovine i digitalnoj transformaciji pravosudnog sustava BiH, poslužio i kao prilika za nastavak razgovora o zajedničkoj Izjavi o suradnji i razmjeni iskustava i najboljih praksi u području pravosuđa, koja je potpisana u Madridu, između ministra Bunoze i ministra Bolañosa 2024. godine.

Nakon sastanka održan je panel u organizaciji Ministarstva pravde BiH pod nazivom „Digitalizacija pravosuđa i unapređenje integriteta nositelja pravosudnih funkcija“, na kojem su, osim ministra Bunoze, panelisti bili ministar Garcia, v. d. predsjednice Suda BiH Minka Kreho i potpredsjednica Ustavnog suda BiH Valerija Galić.



## Konferencija predsjednika sudova i glavnih tužitelja

Ministar pravde Davor Bunoza i tajnik Ministarstva pravde BiH Željko Bogut bili su sudionici 19. Konferencije predsjednika sudova u Bosni i Hercegovini i 19. Konferencije glavnih tužitelja u Bosni i Hercegovini u organizaciji Visokog sudbenog i tužiteljskog vijeća (VSTV) Bosne i Hercegovine.

Tema procesuiranja predmeta korupcije i organiziranog kriminala bila je u fokusu obje konferencije.

„Usprkos političkoj krizi kroz koju BiH prolazi, nositelji pravosudnih funkcija iz svih dijelova zemlje još su jednom pokazali visoku razinu profesionalnosti i spremnosti suočiti se s najtežim izazovima u pravosudnom sustavu. Na nama je odgovornost da pažljivo saslušamo njihove potrebe i ponudimo primjerena zakonska i podzakonska rješenja koja će osnažiti pravosuđe u provođenju složenih i osjetljivih postupaka od najveće važnosti za pravnu sigurnost i povjerenje svih u BiH“, izjavio je ministar Bunoza.



## Edukacija o sprječavanju pranja novca i financijskom kriminalu

Jednodnevna edukacija na temu „Pranje novca i financijski kriminal“ održana je u suradnji Regionalne odvjetničke komore Mostar i Ministarstva pravde BiH - Sektora za kaznenu pomoći i edukaciju u kaznenim stvarima pred Sudom BiH.

Edukaciju je u ime Ministarstva otvorila pomoćnica ministra Sanela Latić, koja se uvodnim obraćanjem obratila sudionicima, naglasivši aktualnost i značaj ove teme, posebno s obzirom na veliku prisutnost problema kaznenih djela pranja novca, kako u BiH, tako i na međunarodnoj razini. Istaknula je da ova vrsta kriminaliteta zahtijeva sveobuhvatno razumijevanje relevantnih domaćih i međunarodnih normativnih rješenja i sudske prakse. Također je naglašeno da je tema izuzetno važna za ciljnu grupu – odvjetnike – koji se u svojoj praksi mogu naći kako u ulozi branitelja osumnjičenih ili optuženih, tako i kao pružatelji pravne pomoći oštećenim stranama.



## **Suradnja BiH - 112 i EUFOR-a u slučaju nesreća**

Zamjenik ministra sigurnosti Bosne i Hercegovine Ivica Bošnjak i zapovjednik Snaga EU-a u BiH (EUFOR) general-major Florin Marian Barbu potpisali su tehnički Sporazum o suradnji Operativno-komunikacijskog centra (OKC) BiH - 112 i EUFOR-a.

Sporazumom su definirani nužni uvjeti i kriteriji angažiranja Snaga Europske unije u BiH u slučaju nesreća pri čemu će OKC BiH - 112 koordinirati sve zahtjeve za pomoć službi zaštite i spašavanja sa svih razina vlasti. Također, omogućit će razmjenu informacija i komunikaciju između Operativno-komunikacijskog centra BiH - 112 i EUFOR-a u oblasti civilne zaštite i spašavanja.



## **BiH ostaje pouzdan partner UN-a**

Bosna i Hercegovina ostaje u potpunosti predana UN-ovim mirovnim operacijama i nastaviti će surađivati s Ujedinjenim narodima te sa zemljama koje pridonose vojnim i policijskim snagama, istaknuo je zamjenik ministra Ivica Bošnjak na Ministarskoj konferenciji o mirovnim operacijama u Berlinu.



Zamjenik Bošnjak je podsjetio da vojni i policijski službenici godinama sudjeluju u različitim UN-ovim mirovnim operacijama te da je planirano značajno proširenje postojeće obveze BiH prema UN-ovim mirovnim operacijama.

## **Sudjelovanje BiH u mirovnim misijama**

Zamjenik ministra Ivica Bošnjak uputio je čestitku policijskim agencijama i policijskim službenicima i službenicama u povodu Međunarodnog dana mirovnih snaga UN-a koji se obilježava 29. svibnja i 25. obljetnice sudjelovanja Bosne i Hercegovine u UN-ovim mirovnim misijama.

„Ove godine obilježavamo 25 godina od kada su policijske službenice i službenici BiH prvi put sudjelovali u mirovnim misijama UN-a. Od Istočnog Timora do Haitija, od Liberije do Južnog Sudana i Cipra, predstavnici i predstavnice naših policijskih agencija su svojim radom, stručnošću i integritetom dali važan doprinos izgradnji mira, stabilnosti i zaštiti ljudskih prava u postkonfliktnim društvima. Do sada je iz BiH sudjelovalo 390 policijskih službenika u misijama UN-a“, naglasio je Bošnjak.

## **BiH i Crna Gora otvorile još jedan zajednički granični prijelaz**

Između Bosne i Hercegovine i Crne Gore otvoren je još jedan zajednički granični prijelaz na lokaciji Zupci – Sitnica, koji će olakšati kontrolu i promet ljudi i robe.

Ovo je drugi zajednički granični prijelaz BiH i Crne Gore, od planirana četiri. Ranije je otvoren zajednički prijelaz Vračenovići – Deleuša, a planirano je da se isto uradi na lokacijama Šćepan Polje – Hum i Klobuk – Iljino Brdo.

## **Konferencija Salzburg foruma**

Zamjenik ministra Ivica Bošnjak sudjelovao je na ministarskoj konferenciji Salzburg foruma, posvećenoj prekograničnoj suradnji u borbi protiv nezakonitih migracija i organiziranog kriminala.

U svom obraćanju, zamjenik ministra istaknuo je posvećenost Bosne i Hercegovine jačanju sigurnosti granica, borbi protiv krijumčarskih mreža te razvoju regionalne i operativne suradnje s partnerima iz EU-a. Posebno je naglašen značaj potписанog Sporazuma s Frontexom, kojim se uspostavlja pravni okvir za zajedničke operacije na teritoriju BiH, uključujući raspoređivanje pripadnika Frontexa na graničnim prijelazima.



## **Priprema za požarnu sezonu**

Na radionici o pripremi za požarnu sezonu u organizaciji Ministarstva sigurnosti BiH i NATO-ova stožera u Sarajevu i Mostaru predstavnici civilnih zaštita i vatrogastva razgovarali su o izazovima i odgovorima na ovu prijetnju, te korištenju modernih tehnologija poput NICS sustava u odgovoru za suzbijanje šumskih požara.

Zaključeno je da je veća solidarnost te pravovremena podrška i pomoć od strane svih razina vlasti – od lokalnih zajednica do Oružanih snaga – od ključne važnosti kako bi posljedice nesreća bile što manje.



## Ministrica Bošnjak na 57. zasjedanju UNFPA

Ministrica Dubravka Bošnjak predvodila je državno izaslanstvo na 57. zasjedanju Povjerenstva Ujedinjenih naroda za stanovništvo i razvoj (UNFPA) održanom sredinom travnja u sjedištu UN-a u New Yorku.

Obraćajući se tijekom glavne rasprave na visokoj razini, ministrica je istaknula kontinuiranu opredijeljenost Bosne i Hercegovine za unaprjeđenje javnog zdravstva, s posebnim naglaskom na prevenciju raka te spolno i reproduktivno zdravlje, uz poseban fokus na osnaživanje mladih ljudi da ostvare svoj puni potencijal.



## Konferencija ministara

Na sjednici Konferencije ministara nadležnih za područje zdravstva u Bosni i Hercegovini, kojom je predsjedavala ministrica Dubravka Bošnjak razgovaralo se, među ostalim, o jačanju transplantacijske medicine u našoj zemlji te je donesena odluka o formiranju operativnog tima.

Operativni tim, koji će činiti predstavnici Ministarstva civilnih poslova BiH, entitetskih ministarstava zdravstva FBiH i RS, kao i Odjela za zdravstvo i ostale usluge Brčko distrikta BiH, imat će za cilj unaprjeđenje koordinacije i uspostavu učinkovitijeg sustava transplantacijske medicine.

## Posjeta izaslanstvu GICHD-a

Ministrica Dubravka Bošnjak primila je visoko izaslanstvo Ženevskog međunarodnog centra za humanitarno razminiranje (GICHD), koje je predvodio veleposlanik Tobias Privitelli.

Ministrica Bošnjak kazala je da je potrebno raditi realne planove, što do sad i nije bio slučaj, a kako bi imali ostvariv rok kada će BiH biti oslobođena od mina. Dodala je kako je cilj Ministarstva ubrzati ove procese na način da se uradi revizija Strategije razminiranja, ali i izmijeni Zakon o razminiranju.

## Bošnjak: Inkluzija nije projekt – ona je sustavna obveza

Ministrica civilnih poslova BiH Dubravka Bošnjak i izvršna ravnateljica Specijalne olimpijade BiH Kada Delić-Selimović, uz prisutnost predsjednika Europske specijalne olimpijade Davida Evangeliste, potpisale su Memorandum o suradnji kojim se uspostavlja čvršći okvir za unaprjeđenje kvalitete života osoba s intelektualnim teškoćama u BiH.

Cilj suradnje je osnažiti zajedničke aktivnosti u području sporta, rekreacije, zdravstvene zaštite, inkluzivnog obrazovanja, obiteljskih programa i društvene integracije osoba s teškoćama u razvoju.



Ministrica Bošnjak istaknula je važnost strateškog i sistemskog pristupa inkluziji. „Inkluzija nije projekt – ona je sustavna obveza. Potpisivanjem ovog memoranduma šaljemo jasnu poruku da inkluzija ne smije ovisiti o entuzijazmu pojedinaca, već mora biti garantirana zakonima, proračunima i obrazovnim politikama“, istakla je ministrica Bošnjak.

## Za domaće istraživače 360.000 eura

U posljednje četiri godine zabilježen je uzlazni trend u sudjelovanju istraživača iz BiH u COST programu (European Cooperation in Science and Technology). Od 2021. do danas, povućena sredstva iz COST programa su se više nego utrostručila – s oko 99 tisuća eura u 2021., na gotovo 360 tisuća eura u 2024. godini.

Već u 2022. iznos je dostigao 260 tisuća eura, dok je tijekom 2023. premašio 350 tisuća, što pokazuje konstantan rast i sve veće sudjelovanje domaćih istraživača u međunarodnim znanstvenim mrežama. Još veći je napredak u području liderstva u COST akcijama. Dok je BiH 2021. godine imala sedam voditeljskih pozicija, taj broj je u 2024. narastao na čak 17 istraživača iz BiH što je najbolji rezultat od kada je zemlja pristupila ovom programu. Među 70 novih akcija koje su odobrene za 2025. godinu, prvi put glavni predlagači odobrenih akcija su iz BiH, prof. dr. Erna Karalija i dr. sc. Adna Ašić.



Annual Budget Received by Bosnia and Herzegovina from COST (2021-2024)



## CAF certifikat uručen ministrici Bošnjak

Ravnateljica Regionalne škole za javnu upravu (ReSPA) Maja Handjiska Trendafilova uručila je ministrici Dubravki Bošnjak certifikat „CAF Effective User“, čime je Ministarstvo civilnih poslova BiH službeno priznato kao institucija koja uspješno primjenjuje ovaj europski model upravljanja kvalitetom u javnoj upravi.

Certifikat se dodjeljuje za razdoblje od tri godine, a Ministarstvo će biti uvršteno u službenu EUPAN bazu podataka institucija koje nose oznaku „CAF Effective User“.



## Jačanje suradnje generalnih tajništava VMBiH i Vlade CG

Generalni tajnik Vijeća ministara Bosne i Hercegovine Robert Vidović razgovarao je u Podgorici s generalnim tajnikom Vlade Crne Gore Dragoljubom Nikolićem o modalitetima suradnje dvaju tajništava.

Tijekom sastanka razmijenjena su iskustva u radu generalnih tajništava Vijeća ministara BiH i Vlade Crne Gore, s posebnim naglaskom na unaprjeđenje učinkovitosti procedura izvršnih tijela vlasti.



Tijekom sastanka razmijenjena su iskustva u radu generalnih tajništava Vijeća ministara BiH i Vlade Crne Gore, s posebnim naglaskom na unaprjeđenje učinkovitosti procedura izvršnih tijela vlasti.

Poseban segment razgovora bio je posvećen razmjeni iskustava u izgradnji i razvoju vladinih elektroničkih servisa (e-servisa), s ciljem pružanja bržih i kvalitetnijih usluga građanima i gospodarstvu.

## Иницијатива за дигитализацију

Глобална алијанса за олакшице у трговини (Global Alliance for Trade Facilitation) у сарадњи с пројектом RegioTrade (који имплементира ГИЗ) и у партнерству с Управом за индиректно опорезивање Босне и Херцеговине (УИО БиХ) званично су покренули нову иницијативу за дигитализацију царинских процедура за поштанске и експрес пошиљке.



Иницијатива подржава надоградњу националног царинског система ASYCUDA World у БиХ и уводи ASYHUB Post - платформу која омогућава унапријед електронско достављање података о пошиљкама, чиме царинске службе могу започети обраду прије него што пошиљке стигну у земљу.

## Konferencija povodom Dana Evrope

Povodom obilježavanja Dana Evrope i Evropske sedmice u BiH Direkcija za evropske integracije i Populacijski fond Ujedinjenih naroda (UNFPA), u saradnji s Ministarstvom civilnih poslova BiH i organizacijom Humanity in Action organizovala je konferenciju „Mladi i evropske integracije - izazovi i prilike“ koja je okupila blizu sto učesnika iz cijele BiH, te predstavnike diplomatskog kora i međunarodnih organizacija.

Direktorica Direkcije za evropske integracije Elvira Habota poručila je da je ovogodišnji centralni događaj povodom obilježavanja Dana Evrope i Evropske sedmice u BiH posvećen mладима jer oni zaslužuju da budu u fokusu svih planova, projekcija i razgovora kao aktivni sagovornici i kreatori ideja.

Učesnike Konferencije su pozdravili i Luigi Soreca, šef Delegacije Evropske unije u BiH i specijalni predstavnik EU u BiH, Justine Coulson, predstavnica UNFPA za BiH, i Adnan Husić, pomoćnik ministricе civilnih poslova BiH.



## EU donirala 15 terenskih vozila BHMAC-u

Evropska unija je donirala 15 terenskih vozila Centru za uklanjanje mina u BiH (BHMAC) koja će podržati siguran transport deminerskih timova i opreme do udaljenih i teško dostupnih sumnjivih minskih područja, omogućavajući efikasnije operacije deminiranja na terenu.

Vozila su nabavljena u okviru većeg projekta protivminskog djelovanja koji podržava EU, vrijednog više od 10 miliona eura za finansiranje uklanjanja mina iz preostalih kontaminiranih područja u BiH.

Zamjenik šefa Delegacije EU u BiH Adebayo Babajide predao je vozila direktoru BHMAC-a Enisu Horozoviću, naglasivši da je ova kupovina samo dio sveobuhvatne podrške EU protivminskom djelovanju u BiH.

Također, dva vozila će biti isporučena Federalnoj upravi CZ Federacije BiH i dva vozila Civilnoj zaštiti Republike Srpske.



## Susreti CAF praktičara

U Varšavi su održani Deseti susreti CAF praktičara iz cijele Europe. Ovogodišnji susreti pod poljskim predsjedanjem EU-om održani su pod nazivom „Pametno upravljanje: usmjereni na ljude, vođeno efikasnošću“, a okupili su nešto više od 150 osoba iz cijele Europe koji rade u javnoj upravi.

Na događaju, osim predavanja i razmjene iskustava, prezentirano je i „18 zlatnih slučajeva iz prakse“, među kojima je bio i slučaj iz BiH.

Ured koordinatora za reformu javne uprave, Agencija za državnu službu BiH, Agencija za državnu službu Federacije BiH i Agencija za državnu upravu RS uz podršku MEG projekta koji implementira UNDP predstavili su projekat „Unaprjeđenje standardizacije jedinica lokalne samouprave i procjena digitalne spremnosti“. Slučaj su prezentirali Kenan Avdagić iz Ureda koordinatora za reformu javne uprave i Goran Štefatić iz MEG projekta.

## Sajber igre 2025.

Predstavnica Agencije za policijsku podršku BiH Nataša Mijović, zajedno sa kolegama iz MUP-a Republike Srpske i Tužilaštva BiH, učestvovala je u Kuala Lumpuru na prvom međunarodnom takmičenju „Sajber igre 2025.“ koje su organizirali Vijeće Europe i INTERPOL u saradnji s NCSA (National Cyber Security Agency of Malaysia). Cilj igara je bilo okupljanje IT stručnjaka kako bi usavršili svoje vještine u borbi protiv sajber kriminala, razmijenili iskustva i podstakli saradnju s kolegama iz čitavog svijeta. Riječ je o tehničkom takmičenju koje je okupilo 50 zemalja i 120 stručnjaka iz predmetne oblasti.



## Акција „Шљункара 2“

Државна агенција за истраге и заштиту (СИПА) провела је оперативну акцију „Шљункара 2“ на подручју Бијељине и Брчко дистрикта БиХ. Током претреса на седам локација привремено су одузети возило, десет мобилних телефона, рачунар и други доказни материјал. Слободе је лишено пет особа због сумње да су починиле кривична дјела „Организовани криминал“, „Неовлаштен промет опојним дрогама“ и „Прање новца“, те „Неовлаштена производња и промет опојних дрога“. Истрагом је утврђено да су припадници организоване кримinalне групе током 2023. и 2024. године на подручју ЕУ планирали и извршили промет великих количина наркотика: 305 кг сканка, 470 кг хашиша, 9,5 кг кокаина и 10 кг хероина.



## Promovirano 117 kadeta GP BiH

Dodjelom certifikata u Agenciji za školovanje i stručno usavršavanje kadrova završeno je školovanje 20. generacije polaznika temeljne policijske obuke I. razine.

U čin policajca je promovirano 117 kadeta Granične policije Bosne i Hercegovine, koji su 1. svibnja, nakon polaganja svečane zakletve, postali punopravni članovi Ministarstva sigurnosti BiH.

Pomoćnik ravnatelja GPSlobodan Krstić je naglasio kako su očekivanja od ovih kadeta velika budući da ovoj policijskoj agenciji trenutačno nedostaje 700 ljudi.

Nastavni plan i program temeljne obuke kadeta GPBiH - prva razina, uskladen je s FRONTEX-ovim Zajedničkim nastavnim planom i programom temeljne obuke granične i obalne straže EU (Common Core Curriculum - CCC2022).

Iz ove generacije kadeta izdvojeno je njih 20, koji su 5. lipnja pristupili FRONTEX-ovom Programu procjene interoperabilnosti IAP 2024–2025. Ovom aktivnošću potvrđena je spremnost BiH da primjenjuje međunarodne standarde obuke iz oblasti zaštite državne granice.



## GP BiH obilježila 25. jubilej

U povodu obilježavanja jubileja, 25. godišnjice postojanja Granične policije BiH i Dana Granične policije BiH, u Sarajevu je 5. lipnja upriličena svečana ceremonija.

Prisutnima su se obratili direktor Granične policije BiH Mirko Kuprešaković i zamjenik ministra sigurnosti BiH Ivica Bošnjak. Direktor Kuprešaković je istaknuo da se danas poslovi granične kontrole na granici dugoj oko 1 600 kilometara i na 86 graničnih prijelaza, od kojih je 59 međunarodnih i 27 za pogranični promet, obavljaju sukladno najboljim standardima i praksama srodnih agencija u Europi i svijetu.

## Посјета студената Факултета безбједносних наука

Директор Агенције за форензичка испитивања и вјештачења Радиша Самарџија и ове године пожелио је добродошлицу студентима Факултета безбједносних наука из Бање Луке, који су боравили у посјети Агенцији у оквиру својих наставних активности.

Током посјете студентима је презентован рад Агенције – од оснивања, законских надлежности и лабораторијских капацитета, до остварених резултата и изазова са којима се Агенција суочава у свакодневном раду.



## Konferencija o sigurnosti historijskih gradova

U Sarajevu je održana Prva konferencija „Sigurnost historijskih gradova - Sarajevo kao najbolja turistička destinacija za 2025. godinu“, u organizaciji Međunarodne policijske asocijacije (IPA), Direkcije za koordinaciju policijskih tijela (DKPT) BiH i Ministarstva unutrašnjih poslova Kantona Sarajevo (KS), uz podršku Turističke zajednice KS.

U svom obraćanju Enes Karić, direktor DKPT-a, istaknuo je ključnu ulogu saradnje lokalnih zajednica i sigurnosnih institucija u osiguravanju sigurnog okruženja za građane i turiste. Konferencija se fokusirala na analizu savremenih sigurnosnih izazova, posebno u kontekstu Sarajeva, koje je National Geographic proglašio najboljom turističkom destinacijom za 2025. godinu.

## Održana konferencija o povećanju mobilnosti studenata

Centar za informiranje i priznavanje dokumenata iz područja visokog obrazovanja (CIP) organizirao je u Mostaru konferenciju pod nazivom "Kako povećati mobilnost studenata, akademskog i administrativnog osoblja u BiH".

Konferencija je okupila ključne sudionike u području mobilnosti s ciljem identificiranja izazova i prepreka te pronašanja konkretnih prijedloga za poboljšanje mobilnosti na visokoškolskim ustanovama u Bosni i Hercegovini. Direktor CIP-a Damir Ljubić, naglasio je koordinirajuću ulogu CIP-a u ovom području te istaknuo nužnost suradnje s drugim institucijama i visokoškolskim ustanovama kako bi BiH ostvarila značajniji napredak u mobilnosti.



## Preporuke za jačanje kvalitete nastave

Agencija za predškolsko, osnovno i srednje obrazovanje provela je evaluaciju primjene novih predmetnih kurikula u osnovnim školama s ciljem identificiranja ključnih izazova i potencijalnih područja za unapređenje nastavne prakse.

Fokus istraživanja bio je i na provjeri razine primjene Zajedničke jezgre nastavnih planova i programa, definirane na ishodima učenja, na temelju koje su nadležna ministarstva razvila predmetne kurikulume, u smislu preuzimanja ishoda učenja i oblasne strukture.

Dobiveni rezultati pokazuju kako su predmetni kurikuli implementirani, jesu li utemeljeni na Zajedničkoj jezri definiranoj na ishodima učenja, kako je organizirana nastava, jesu li nastavnici prošli odgovarajuće obuke, kako se upravlja školom, kako se prati provedba, jesu li se javile određene poteškoće u realizaciji i što sve doprinosi postignutim ishodima učenja.

## Студијска посјета Гарантеу

Представници Агенције за заштиту личних података у БиХ боравили су у Риму, у студијској посјети италијанском надзорном тијелу за заштиту података, Гарантеу (Garante per la protezione dei dati personali).

Посјета је реализована уз подршку ТАІЕХ инструмента Европске комисије, намирењеног пружању краткорочне техничке помоћи и размјени информација.

Током посјете директор Агенције Драгољуб Рельић саставо се са потпредсједницом Гарантеа Ђиневром Серином Ферони. На састанку је договорена директна сарадња ове две институције.



## Обиљежен Свјетски дан метрологије

Институт за метрологију Босне и Херцеговине је 27. маја 2025. године у Сарајеву свечано обиљежио Свјетски дан метрологије и велики јубилеј – 150 година од потписивања Метарске конвенције.



Овогодишњи глобални слоган „Мјерења за сва времена, за све људе“ посебно је истакао темељну улогу коју мјерења имају за технолошки и друштвени напредак широм света.

## Razmjena iskustava s Turskom

Kao rezultat suradnje Konkurenčijskog vijeća Bosne i Hercegovine i Turske agencije za konkurenčiju Rekabet Kurumu (TCA) u Sarajevu je održana radionica o analizi koncentracija („Workshop on Merger Analysis“).

Događaj, namijenjen službenicima iz oblasti konkurenčijskog prava i politike, poslužio je kao praktičan mehanizam za transfer znanja i jačanje kapaciteta stručnjaka iz obje institucije.

Gostujući predavači bili su eksperti TCA, a tokom radionice obraden je teoretski okvir legislative koncentracija u Turskoj, sličnosti i razlike u odnosu na BiH, analizirana praksa definiranja relevantnog tržišta, kao i metoda procjena spajanja i određivanje mogućih mjera.



## Објављен Билтен о несигурним производима

Агенција за надзор над тржиштем БиХ објавила је 12. издање Билтена о несигурним производима на тржишту БиХ.

У новом издању Билтена јавности су представљени сумарни резултати надзора над тржиштем из 2024. године. Дат је преглед несигурних непрехрамбених производа који су пронађени на тржишту БиХ у протеклој години, уз анализу њихових недостатака и могућих посљедица по здравље и безbjednost потроšача.



# INFO



Vijeće ministara Bosne i Hercegovine / Савјет министара Босне и Херцеговине  
Generalno tajništvo / Генерални секретаријат

BILTEN broj 57 uređuje:  
Služba za informiranje u suradnji s glasnogovornicima ministarstava

Trg Bosne i Hercegovine 1, 71000 Sarajevo  
Tel: 033 282 687; 033 282 665 i fax 033 282 671

Internet stranica: [www.vijeceministara.gov.ba](http://www.vijeceministara.gov.ba) i [www.savjetministara.gov.ba](http://www.savjetministara.gov.ba)

#### Web stranice ministarstava Bosne i Hercegovine:

Ministarstvo vanjskih poslova Bosne i Hercegovine  
Ministarstvo financija i trezora Bosne i Hercegovine  
Ministarstvo sigurnosti Bosne i Hercegovine  
Ministarstvo obrane Bosne i Hercegovine  
Ministarstvo pravde Bosne i Hercegovine  
Ministarstvo vanjske trgovine i ekonomskih odnosa Bosne i Hercegovine  
Ministarstvo komunikacija i prometa Bosne i Hercegovine  
Ministarstvo za ljudska prava i izbjeglice Bosne i Hercegovine  
Ministarstvo civilnih poslova Bosne i Hercegovine

<http://www.mvp.gov.ba>  
<http://www.mft.gov.ba>  
<http://www.msb.gov.ba>  
<http://www.mod.gov.ba>  
<http://www.mpr.gov.ba>  
<http://www.mvteo.gov.ba>  
<http://www.mkt.gov.ba>  
<http://www.mhrr.gov.ba>  
<http://www.mcp.gov.ba>

Info Vijeća ministara Bosne i Hercegovine / Савјета министара Босне и Херцеговине

Tisk: Impressum Nova Bila

Tiraž: 250

travanj - lipanj

april - juni

април - јуни

2025.

